

N A C R T

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06, 51/09) i članova 23. i 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj: 20/13), na sjednici održanoj dana _____, Općinsko vijeće Stari Grad Sarajevo, donosi

ODLUKU

O USLOVIMA I POSTUPKU PRIHVATANJA POKROVITELJSTVA OPĆINSKOG NAČELNIKA OPĆINE STARI GRAD SARAJEVO

I – OPĆE ODREDBE

Član 1.

(Predmet Odluke)

Ovom Odlukom utvrđuju se uslovi i postupak prihvatanja pokroviteljstva Općinskog načelnika Općine Stari Grad Sarajevo (u daljem tekstu: pokroviteljstvo Općinskog načelnika) društvenim, sportskim, naučnim, kulturnim i drugim manifestacijama, događajima i projektima kojim se doprinosi promociji Općine, Kantona Sarajevo, Federacije Bosne i Hercegovine ili Bosne i Hercegovine, ali i očuvanja tradicije i sjećanja na posebne historijske događaje vezane za Općinu Kanton Sarajevo, Federaciju Bosne i Hercegovine ili Bosnu i Hercegovinu.

II – USLOVI ZA PRIHVATANJE POKROVITELJSTVA OPĆINSKOG NAČELNIKA

Član 2.

(Uslovi za prihvatanje pokroviteljstva Općinskog načelnika)

Uslovi za prihvatanje pokroviteljstva Općinskog načelnika shodno odredbama ove Odluke utvrđuju se kao:

- opći uslovi;
- posebni uslovi.

Član 3.

(Opći uslov)

Opći uslov shodno odredbama ove Odluke, koji mora biti ispunjen da bi se prihvatilo pokroviteljstvo Općinskog načelnika je:

- da se društvenim, sportskim, naučnim, kulturnim i drugim manifestacijama, događajima i projektima za koje se traži pokroviteljstvo Općinskog načelnika doprinosi promociji vrijednostima i pravima zaštićenim Ustavom Bosne i Hercegovine, zakonskim i podzakonskim aktima.

Član 4.

(Posebni uslovi)

Da bi se prihvatilo pokroviteljstvo Općinskog načelnika, pored općih uslova iz člana 3. ove Odluke, potrebno je da bude ispunjen i jedan od sljedećih posebnih uslova:

- da se društvenim, sportskim, naučnim, kulturnim i drugim manifestacijama, događajima i projektima doprinosi promociji Općine, Kantona Sarajevo, Federacije Bosne i Hercegovine ili Bosne i Hercegovine;
- da se društvenim, sportskim, naučnim, kulturnim i drugim manifestacijama, događajima i projektima doprinosi realizaciji ciljeva i prioriteta, koje je Općina odredila kroz relevantne strateške dokumente;
- da se društvenim, sportskim, naučnim, kulturnim i drugim manifestacijama, događajima i projektima doprinosi memoriji sjećanja na događaje, datume ili ličnosti koje su ostavile poseban pečat na Općinu, Kanton Sarajevo, Federaciji Bosne i Hercegovine ili Bosnu i Hercegovinu;
- da se društvenim, sportskim, naučnim, kulturnim i drugim manifestacijama, događajima i projektima doprinosi zadovoljavanju zajedničkih interesa i rješavanju zajedničkih pitanja na području Općine, Kantona Sarajevo, Federacije Bosne i Hercegovine ili Bosne i Hercegovine za boračke kategorije;
- da se društvenim, sportskim, naučnim, kulturnim i drugim manifestacijama, događajima i projektima doprinosi jačanju i razvoju turizma na području Općine, Kantona Sarajevo, Federacije Bosne i Hercegovine ili Bosne i Hercegovine;
- da se društvenim, sportskim, naučnim, kulturnim i drugim manifestacijama, događajima i projektima doprinosi očuvanju, njegovanju kulture sjećanja i tradicije odbrambeno-oslobodilačkog rata 1992-1995. godine vezano za područje Općine, Kantona Sarajevo, Federacije Bosne i Hercegovine ili Bosne i Hercegovine, kao i odbrambeno-oslobodilačkog rata 1941-1945. godine vezano za područje Općine;
- da se društvenim, sportskim, naučnim, kulturnim i drugim manifestacijama, događajima i projektima doprinosi unapređenju kulture i sporta vezano za područje Općine, Kantona Sarajevo, Federacije Bosne i Hercegovine ili Bosne i Hercegovine,

III – POSTUPAK ODOBRAVANJA PRIHVATANJA POKROVITELJSTVA OPĆINSKOG NAČELNIKA

Član 5.

(Zahtjev za prihvatanje pokroviteljstva Općinskog načelnika)

- (1) Fondacija, udruženje, drugo pravno lice ili fizičko lice podnosi zahtjev Općinskom načelniku putem Službe za lokalni razvoj za prihvatanje pokroviteljstva Općinskog načelnika za društvene, sportske, naučne, kulturne i druge manifestacije, događaje i projekte.

- (2) Uz zahtjev iz stava (1) obavezno se dostavlja sljedeća dokumentacija:
- Opis društvene, naučne, kulturne i druge manifestacije, događaja ili projekta za koji se zahtjeva pokroviteljstvo Općinskog načelnika;
 - Rješenje o registraciji;
 - Uvjerenje o poreskoj registraciji – identifikacioni broj;
 - Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
 - Dokaz da ispunjava najmanje jedan od posebnih uslova iz člana 4. ove Odluke.
- (3) Služba za lokalni razvoj zaprimljeni zahtjev i dokumentaciju pregleda i provjera ispunjenost uslova utvrđenih ovom Odlukom i dostavlja prijedlog Općinskom načelniku za prihvatanje pokroviteljstva ili za odbijanje pokroviteljstva Općinskog načelnika.

Član 6.

(Odluka Općinskog načelnika)

- (1) Na osnovu prijedloga Službe iz člana 5. ove Odluke Općinski načelnik donosi Odluku o prihvatanju pokroviteljstva Općinskog načelnika i utvrđivanju iznosa finansijskih sredstava koja se odobravaju.
- (2) Na osnovu Odluke iz stava (1) ovog člana zaključuje se ugovor kojim se definišu međusobna prava i obaveze.
- (3) Podnosiocu zahtjeva koji bude odbijen Služba za lokalni razvoj dostavlja pismenu obavijest.

IV – FINANSIRANJE POKROVITELJSTVA OPĆINSKOG NAČELNIKA

Član 7.

(Finansijska sredstva za prihvatanje pokroviteljstva Općinskog načelnika)

Općinski načelnik ima pravo u slučaju prihvatanja pokroviteljstva odobriti maksimalni iznos od 10.000 KM za pojedinačni zahtjev za pokroviteljstvo Općinskog načelnika.

V – PRAVDANJE DODIJELJENIH FINANSIJSKIH SREDSTAVA ZA POKROVITELJSTVO OPĆINSKOG NAČELNIKA

Član 8.

(Pravdanje sredstava)

- (1) Podnosioc zahtjeva kojem je odobreno pokroviteljstvo obavezan je pravdati dodijeljena sredstva u roku 6 (šest) mjeseci od dana potpisivanja ugovora člana 6. stav (2) ove Odluke.
- (2) Ukoliko se ne opravdaju sredstva na način utvrđen stavom (1) ovog člana, podnosilac zahtjeva je obavezan finansijska sredstva vratiti u roku 30 (trideset) dana, u protivnom će se pokrenuti postupak pred sudom, a isti neće imati pravo na dodjelu sredstava iz Budžeta Općine narednih 5 (pet) godina.

Član 9.

(Praćenje dodijeljenih finansijskih sredstava)

- (1) Služba za lokalni razvoj kontinuirano prati pravdanje finansijskih sredstava dodijeljenih po osnovu pokroviteljstva Općinskog načelnika.
- (2) Služba za lokalni razvoj dostavlja izvještaj Općinskom načelniku svakih 6 (šest) mjeseci o praćenju pravljanja finansijskih sredstava dodijeljenih po osnovu pokroviteljstva Općinskog načelnika;
- (3) Služba za lokalni razvoj dostavlja izvještaj Općinskom vijeću u januaru za prethodnu tekuću godinu, u kojem će biti detaljno navedeni rezultati praćenja pravljanja finansijskih sredstava dodijeljenih po osnovu pokroviteljstva Općinskog načelnika.

VI – PRELAZNE I ZAVRŠNE ODREDBE

Član 10.

(Stupanje na snagu Odluke)

Ova Odluka stup na snagu osmog dana od dana objavljivanja u Službenim novinama Kantona Sarajevo.

**PREDSJEDAVAJUĆI OPĆINSKOG VIJEĆA
STARI GRAD SARAJEVO
Seid Škaljić**

Broj:

Datum:

O B R A Z L O Ž E N J E

I - PRAVNI OSNOV

Pravni osnov donošenja ove Odluke sadržan je u odredbama člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06, 51/09), kojima su utvrđene nadležnosti Općinskog vijeća, dok je članovima 23. i 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj: 20/13), utvrđeno da je za donošenje propisa i akata u okviru prava i dužnosti Općine nadležno Općinsko vijeće.

II - RAZLOZI DONOŠENJA

U cilju transparentnosti utroška sredstava iz Budžeta Općine Stari Grad Sarajevo, ali i praćenju dodjeljenih sredstava, predloženom Odlukom se utvrđuju uslovi i postupak prihvatanja pokroviteljstva Općinskog načelnika, isključivo društvenim, naučnim, kulturnim i drugim manifestacijama, događajima i projektima, koji doprinose promociji Općine, Kantona Sarajevo, Federacije Bosne i Hercegovine ili Bosne i Hercegovine, ali i očuvanju tradicije i sjećanja na posebne historijske događaje vezane za Općinu, Kanton Sarajevo, Federaciju Bosne i Hercegovine ili Bosnu i Hercegovinu.

III – OBRAZLOŽENJE

Odlukom je predviđeno šest poglavlja, na način kako slijedi:

- I – Opće odredbe
- II – Uslovi z aprihvatanje pokroviteljstva Općinskog načelnika
- III – Postupak odobravanja prihvatanja pokroviteljstva
- IV – Finansiranje pokroviteljstva Općinskog načelnika
- V – Pravdanje dodijeljenih finansijskih sredstava za pokroviteljstvo Općinskog načelnika
- VI – Prelazne i završne odredbe

IV - FINANSIJSKA SREDSTVA

Za provođenje procedure usvajanja ove Odluke nisu potrebna finansijska sredstva dok su za reaizaciju iste potrebna finansijska sredstva koja je potrebno predvidjeti u Budžetu Općine.

Predlagač

Općinski načelnik putem

Službe kabineta Općinskog načelnika